


ХС(ХӘК)ДҮ(2Рос-6Х)6-3
163


g/x

12/1



ТҮЛГҮЧЕКТИНЪ ТОЙЫ





84(2Рос-6х)6-5 ХС (ХӨК)
163



ТҮЛГҮЧЕКТИНЬ ТОЙЫ

ЧОН НЫМАҒЫ



Хак. обл.
БИБЛИОТЕКА

ХАКАСИЯДАҒЫ КНИГА ИЗДАТЕЛЬСТВОЗЫ
АБАКАН—1957

18/5/71/25


4

THE ADVERTISER
JANUARY

1871

1871

THE ADVERTISER



Тўлгўчек, хомыс тудынып алып, ойнап ала, ўзен тўбін чўр сыххан. Илееде парабас, хозанахха учурап парды.

— Хайдар паризынъ, Тўлгўчек пиче?—тидир хозан.

— Пир чирде той полча, тойга парим.

— Мини хада апарарзынъ ма?

— Андаг улуғтойга хайди апарбас...

Амды икўленъ чўр сыхтылар. Кўглеп, сарнап, ўзен тўбін тўс паризалар, удур Пўўр ойлап одыр.

— Хайдар паризар, нанчылар? —
тіпче.

— Тойға парибыс, Пүүр харындас!
— тіпчелер пулар.

— Мині хада апарарзар ба?

— Мині мүндіріп алар ползанъ, апарарбыс, — тидір Түлгүчек.

— Тунъмазын хайди апарбас, — тіп,
Пүүр Түлгүчекті мүндіріп алып, аннанъ




андарох чөр сыхханнар. Түлгүчек хо-
мызын ойнап одырча.

Ырах па, чагын ма парғаннар олар.
Їди парчатханнарында, Абачах урун пар-
ды пуларға.

— Хайдар паризар, харындас-тунъ-
малар?—тидір ол.

— Тойға парибыс, Аба ағанъ, той-
ға. Син чи хайдар пас чөрзінъ?

— Хымысха тілеп пас чөрчем. Мині
чи хада апарарзар ба?





— Сині апарбаза, паза кемні апарарбыс са, ағанъ,—тидір Түлгүчек.

Амды төртөленъ улуғ көгде, улуғ сарында парирлар. Пара-пара тиренъ оймахха читтілер.

— Мына мында полар той. Аалчылар чыылғанча, түрче сағынъар,—тіпче Түлгүчек.

Түрче полып, пірсі пірсіненъ тудынып алып, кіріп алдылар ол оймахха. „Кірерін кіріп алдым, хайди ла сығар ним,“ —тіп сағынча Хозан. Кіргенде ноо

ниме ползынза, ойын, көг пасталыбысхан. Ойни, ойни килгенде, Түлгүчектинъ азыранары килибискен.

Пүүрічекке сыбыранып чоохтапча:
— Көрдек, тігі Хозан саға хайди ахсын чабал тудып одырча,—тіп.

Аны ла искен, Пүүр Хозанахтынъ тук-тағын пурладыбысхан. Хозанахтынъ идін, үлесклеп алып, чіп одырлар.

Түлгүчек иттіг-иттіг кизектерні кистінзер салып одырча. Той улуғадып, улам нызырас, суулас парирлар пулар. Хомыс табызы, хай, ыр-сарын оймахха толча. Оймахтанъ тозын, ыс ла чіли, сыхча. Чир үстүндегі анъ-хус, аны көріп, хай-



хас турлар. Ойни, ойни килгенде, Тўлгүчектінъ пазох азыранары килибіскен. Абачахха сыбыранча:

— Көрдек, Пўўр синзер хайди ахсын хойралтып, тілін сығарып одырча.

Аба, Пўўрні хаап алып, олох чирзер ызыбысхан. Ам Абананъ Тўлгүчек ікөленъ, игірлеріне ит толдырып, пўгүрлеріне мўн толдырып, көглес парирлар. Тўлгүчек чағлығ-чағлығ кизектерні кистінзер чазырып одырча. Ўр бе, ас па полғанда, Тўлгүчектінъ азыранары килибіскен. Амды ол, кистіне тастаан чағлығ иттерін алып, чіп одырча. Абанынъ азыранары килип, Тўлгүчектенъ сурча:

— Син, тунъмам, итті хайданъ алып чіпчезінъ?

— Мин харнымны чара тартып, андартын сығарып алчам,—тіп нандырча Тўлгүчек.

Аба, ит чирі килип, харнын чара тартыбысхан. Парасхан андох өл чөрібіскен... Аба иді чіп, Тўлгү мында илееде ўр айбыныбысхан. Абанынъ иді чызып таа ысхан. Ит чызына саасхан-хусхун-

нар чыылыс сыхханнар. Тўлгўчектінъ кирее хомай полыбысхан: хайди даа сыхчаан пілінминібіскен. Саасхан-хусхуннарны хығырып алып, оларны итке сығарарға чаллап алды. Олар аны сығарыбысханнар. Оймахтанъ сығып алып, Тўлгўчек, сарнап, көглеп, өзен чоғар ойли халған.



117151

ЛИСИЧКИН ПИР
Хакасская народная сказка

Редактор *А. Г. Кызласова.*


Худ. редактор *А. П. Масленников.*

Тех. редактор *Л. Ф. Ильина*

Корректор *А. С. Килижекова.*

Подписано к печати 7 августа 1957 г. Формат бумаги 60×84¹/₁₆. Печатных листов 0,2.
Уч.-изд. 0,26. Тираж 2000 экз. Заказ 787. Цена 15 коп.

Типография из-ва „Советская Хакасия“, г. Абакан.



Паазы 15 ахча.

ХАКАСИЯДАҒЫ КНИГА ИЗДАТЕЛЬСТВОЗЫ
АБАКАН—1957